三

或

志

旁

證

浴 求是 氏 到上公子教! 牴牾而世期 史者 以陳 潘氏眉吳沈氏欽韓番禺侯氏康或勘誤或補 亂滋多百餘年 富於是講求史學者訂訛 其 鉤 清嘉定王氏鳴盛錢氏大昕大昭陽 研 有法實 成成 獨 引以 摘 祚 深乃 註 樂 錄 良史才逮裴 為 徴 梁 國 按采 存其信於 句某 志 茝 引太博亦不免無雜 來長洲 助然空逞 鄰 與班范前後漢 條 籍 生 何氏焯 世 為之參稽徵據者 熟精 議 狡 期 地 論者往 受詔作 異益究心焉惟 疏通 **、陳氏景雲仁和杭氏世駿** 辨析尤審成言 乙部 善並稱 往泛 之病 註 於陳書裴 證 明即 復 湖洪氏亮吉飴孫 作史評 且傳 為 又未綜全 三史葢承 承 近 增廣异間 人著述 祚之 寫 註積 闕狡證 國志旁 不能 刑 書 が 刻 敷 脫 間

道光三十年庚戌春三月海甯楊文蓀謹序 ここを コーピンション · 剞劂因蓀曩者習聞緒論屬為讎勘敬識其緣起如此 史非僅以博洽見稱而已先生歸道山之次年長君吉甫亟 指此則兼才學識三長不減三劉之於兩漢書吳縝之於五 沿襲宋人褒貶空譚而於詳畧之間默寓尊蜀抑

三事志芳澄 祖武皇帝 國志旁證卷 植 稱公葢天子三公稱公也旣進虧為王則改稱王卽曹 知幾 篡之先亦 則其 知陳壽意中隱以正統予蜀如綱5 |孫權則雖篡後猶權之耳惟蜀先主始終皆稱先主 故陳壽國志呼武日 此書於曹操始稱太祖及漢帝遷許以操為大將軍 不美於春秋遷固之罪言其體雖襲史漢之 也章矣陳壽仕晉而晉繼魏故微其詞 稱王 稱 而巳明其爲漢王公也爲漢王公而卒乃 祖至於文 岡長樂梁章鉅 明但稱帝 目之指故隋王通 多濫必無慙德其惟 ൬ E 李清

則容 曹諱操字 封費亭侯養 也 託始於曹操 紀 加 一者追 文達 <u>.</u> 按 師 孟 通 建 、撰漢 周之 德漢相國參之後桓帝 實 子嵩嗣官至太尉莫能審其生 筆 秋 不及魏書敘紀之得體 也 亶父 所 季厯晉之仲達 記周秦本紀之 子可也當途所出宦官攜養帝號 元而著 錄無異匹夫應 担 於前 世曹騰 潘 例 師昭位 心書其人 所謂 一出始 為中常侍 班 可 直云皇之 乃 始於魏文 帝紀不 而 臣跡 不

又 鵩 類 國志旁證一卷 本 超 陸 按陳畱王 程曉潘岳 夫人為獻 之集 曹操之中 氏祠堂像贊高貴鄉公陳思王 聚卷九 ** 刻節字元偉** 萌 稲康 而 紀云景元元年故漢獻 作節 女也若騰父名節操不應復以名其女矣藝 穆皇后後漢書皇后 傳喜 四獸部引 四十餘種其與史家無涉者不 尼孫惠盧諶機雲之 華佗管輅 敷 阮 氏 續漢書曹騰父萌節萌字 作弟 傳辰 趙 原 別傳王 王朗諸葛亮傅 紀云獻 劉 一費禕 **夫人節薨使使持** 陳 朗家傳陸 虞 在數 諸葛 嘏 氏 一后諱 成姚 內 氏 恪 弼 氏 近 傳邵

牙 室矣 停薨裴注 氏則謂嵩為夏侯氏之子者 淵 志於帝紀云莫能審其生出本末於列傳則以 曹仁曹洪曹休曹眞夏侯尚為 書經籍志魏晉世語十卷晉 夏 子哭同姓於宗廟門之外 祖於惇為從父兄弟 何焯日夏侯惇之子楙 麻傅 曹 引魏書日王素服 同 姓位 又何說 累為婚姻 郭碩世語 鷹走狗游蕩無度其叔父數言之於 (哭於城) 一般國傳聞蓋不足 幸業 並 孫氏所 襄陽 尚清河公主淵 云嵩夏侯氏之子夏侯惇之 東城 議妹非事 令郭預 卷是顯以夏侯氏為 門失其所 門發哀孫 撰 信 實且其時 子衡亦娶 侯惇夏 按

是盆得肆意矣 注 接要 太祖日卒中惡風叔父以告嵩嵩驚愕呼太祖太 父故見罔耳嵩乃疑焉自後叔父有所告嵩終不復信太祖 一國志多證一卷一 准 太祖患之後逢叔父於路乃陽敗面喎口 接裴注但言曹 卷又兵法略要九卷並魏武帝撰或日接似當作節以 小說家所演即據此耳 日叔父言汝中風已差乎太祖日初不中風但失愛於叔 |異同雜語日博覽羣書特好兵法抄集諸家兵法名 經籍志兵書接要十卷又兵法要論七卷又兵法接 口戾也喎同一切經音義六引通俗文斜戾日喎 瞞傳為吳 所作不著其名令書亦不傳 說文咼口戾不正也玉篇咼 叔父 旭 口貌如故

後以能明古學復徵拜議郎後珠鴻疆侯宋奇被誅從坐免官徵拜議郎准魏書日太祖從妹夫鴻疆侯宋奇被誅從坐免官 行雨甚是謂浴屍先陣者敗亡葢多占驗語也 造 師 何焯日棒應改棓依廣韻注也 按宋奇之封不見於後漢書熊方補表亦失載考後漢書 名節而諱之 紀靈帝宋皇后父酆封不其鄉侯光和元年后廢酆父子並 五色棒 稱 有慶三軍將行其旗墊然若雨是謂天露三軍失徙將 引魏武兵書接要云大將軍行雨濡衣冠是謂邐兵 司雲氣非雲非烟非霧形似禽獸客告主人忌又御而諱之 潘眉日太平御覽入引魏武兵書接要云

又是族 徴還 和末黃 書也 徴為 殿本考證云 侯康 書云太祖上 (多阿) 通鑑考異 都 日後 þ 附貴 (巾起 尉此拜都尉乃在齊南相之先似當以操自敍為 ر -漢書劉 |言切諫不云與耽同是温公不取范史而取 (戚贓汚) 拜騎 魏武故事所載十 日耽時已為司徒 引奏免其八 續漢志濟 • 陶傳 就 都 狼 尉 光和 籍 討 因 南國領上 此後 頫 於是奏免其八 下有九字是也此誤脫 五. 川賊遷為齊南 年 二月已亥令操先在濟南 縣 陳 應與議 耽與議 此餘字 郎 同上 祈 郎 國有人 言王沈 按太平

徴 三國志旁證一个一卷 築室城外春夏習讀書傳秋冬弋獵以自娛樂 太祖為典軍校尉 德邈按操雖不就東郡當時獨以此稱之也 邈至長安奉章貢獻盛稱東郡太守曹操忠誠于帝操以此 杭世駿日後漢書光武十王 趙 起精合讀書射獵閉絕賓客卽謂之譙東 太平寰宇記卷十二引魏略日 謂亭長日曹濟南雖敗存亡未可知公幸能以車牛 脫身亡走寫平河亭長舍稱曹濟南處士臥養足創 云譙城東有曹太祖舊宅所在負郭對歷側隍臨 [操別傳云拜操典軍都尉還譙沛士卒共叛襲擊之操得 清 日此西園八校尉之一 見後漢書靈帝 **「太祖于譙東十五 邓順王容初平元年遣弟** 水 紀 經陰構水注 里澤中 杭世

三二列上少年585一人,公司 卓表太祖為驍騎校尉 將軍 皇子協靈帝以辨輕 黃恩彤日何皇后進之女弟也何皇后生皇子辨王貴 還 **讐鮮有不敗者** 宦官與陳蕃竇武事同情異以忠私之分也藉國事以 騎材官別有營 後漢書百官志大將軍營五部部校尉 誅進而立 求採者多採開帳叱之皆大喜始悟是操 四 何進與袁紹謀誅宦官太后不聽進乃召董卓欲以脅 五日吾厚報公亭長乃以車牛送操未至譙數十 協 不果辨旣卽位何后臨朝進以銜碩之故謀誅 如進之優游寡斷哉 趙 佻欲立協屬黃門塞碩輔之帝崩 一清日此時無驍騎將軍曹公葢以校 人宋書百官志驍 碩謀

ここには「スセンション 注 愴 祖手 按 日甯我負人無 魏書日太祖以卓 孫盛雜記日太 、成皋呂伯奢 典營兵也其後 此 全禮 **刃擊殺數** 太祖 自 平御覽卷四百七十八引梁 祖聞其食器聲以為圖巳遂夜殺之 1以背卓命疑其圖巳手劍夜殺 、文世語日太祖過伯奢伯 負我遂行 同小異末 ·終必覆敗遂不就拜 也遂行日暮道逢二 不在其子與賓客其封 一驍騎將軍 奔懼之色何也 條近是負 《此表吾丹心願二 一人容貌威武· 太祖始覺其異 祚魏 國統云初 一語遂 旣

從弟洪以馬與太祖得夜遁去 始起兵於已吾 國志旁證《一卷一 時唯覺耳中風聲腳似不踐地至汴水洪不能渡帝引洪 董卓夜行失馬洪以其所乘馬讓帝其馬號日白鵠此馬 年陳王削地以大棘鄕直陽鄕十二年自鴈隷之命以嘉夕 也 後漢書 馬共濟行數百里瞬息而至馬足毛不溼時人謂乘風而 王嘉拾遺記云曹洪武帝從弟家盈產業駿 1已吾 以成哀之世戶至八九千冠帶之 日縣故宋也雜以陳楚之地故梁國甯陵縣之徙 那國 志陳畱郡己吾 冰 經陰構水注云陳畱風俗 **〕徒求置縣矣永元** 馬成羣武帝

紹 魏書日 紹與韓複謀 紹 趙 幽 何 移作兄陳承祚之疏也 州故 妻之物魏武 焯 董 凊 旦改易天下其孰安之諸君北 是時魏 神駿 義動故 日後 祖大笑日 漢 罪 也諺 立 印於太祖坐中舉向其 面 暴於 幽 書徐 長安 也 武以兵少與夏侯 州 我在不聽妆乃至此其事為有徵令以 三吾不聽: 牧 爲 憑空虛躍 四海吾等合大 劉虞為帝 傳注舉璽向 行在所故 波 业 停等詣揚州 日 衆 祖拒之 肘者 肘太祖由是笑而惡 西 面我自 臣未 與義兵而遠近莫 向 乃是袁 西向 准 有昌邑亡國 魏書載 術 逼奪孫

追黃巾至濟北乞降冬受降卒三十餘萬男女百餘萬口收 術走襄邑追到太壽 四年術引軍入陳畱屯封邛黑山餘賊 太祖領兖州牧遂進兵擊黃巾於壽張東信力戰關死 袁術引軍屯於封邛黑山者矣 銳者號為靑州兵 屬東郡 太平寰宇記卷一 後漢書郡國志云壽張春秋日良漢日壽良光武改壽張故 鮑信戰死於此 何焯日魏武之强自此始 水經汶水注云汶叉西至壽張故城東逕爲澤 一云黑山去封 -里墨子昔居此山 · 耶縣北三里魏志初平 曹學佺名勝志云黑山 及於夫羅等佐之 四

l 李 昼だ子間 避難郵那為陶謙 侯惇傅 끠 祖 後 而乃屯 平國屬 等縣以其父避難被害於此層其男女十萬泗水為之不 漢書郡國志云東平國故梁景 年春 **清日太壽不見於兩漢志大約在甯陵襄邑之間詳夏** 泗水注云初平四年曹操攻徐州破之拔取慮 數縣 濮陽吾知其無能為也 縣亢父叉章帝分東平為任 一得 卷 無行跡 自徐州還 所害故太祖志在復讐東伐 州不能據東平斷亢父泰山之道乘險要 初太祖父嵩去官 ·里本齊地戰國策蘇秦 别 為濟東國宣帝為東 。誰董卓シ 離陵

连 冬十月天子拜太祖兖州牧 可馬樓異扶太祖上馬 · 1 11 11 11 11 11 11 11 11 1 年春襲定陶濟陰太守吳資保南城 之左城门 **隋書經籍志獻帝春秋十卷袁暐撰** 袁暐獻帝春秋日 南城或卽此處 顧祖禹日濟陰城本定陶縣地或日漢濟陰郡亦治此世 秦之攻齊也 司馬樓異未詳何· 不得方軌馬不得比行百人守險千人不得過謂此也 **三年鮑信已與萬潛等至東郡迎太祖領兖州牧** 一倍韓魏之地過衞陽晉之道徑乎亢父之險重 Ŗ, 山南也後魏謂之孝昌城 沈欽韓

建安元年太祖將迎天子叉乃遣曹洪將兵西迎衞將軍董承 與袁術將萇奴拒險洪不得進 奉 二國法學問 夏六月遷鑪東將軍封費亭侯 供二文不同何也 彼 截黄 後漢書董卓傳董承患韓暹胤政潛召操此又言董承拒曹 別屯梁 侯曹操業履忠貞輔幹王室頃遭凶暴海內離 藝文類聚卷五十 軍領兖州收襲父費亭侯嵩爵並印綬符策 漢書地理志河南 時但權領之耳至是乃奉天子命爲眞也 市為國出命夫祿以賞功罰以絀否令以採為鎮東將 郡梁縣臣瓚曰此梁是周之小邑見於春 云後漢獻帝詔書拜鎮東將軍襲費喜 析操執義討

以太祖! 董昭等勸太祖都許九月車駕 進 獻帝紀 **騎旣至操設伏兵要** 漢書 隋書 後漢書百官志云將軍不常置比公者四第一大將軍次 騎將軍次車騎將軍次衞將軍注引蔡質漢儀曰漢興置 地 近汝水之旁 為大 此非也許昌以魏黃初二 业 秋云車駕 理志云頻川 **祖望日葢**卽指楚 (將軍封武平侯 志 靈獻 出洛陽自轘轅而東 帝紀 于陽城山狹中大敗之 郡許後漢書 人侵梁及霍之 一卷漢侍中劉艾撰 出轘轅 年改 郡國志 楊 闹 奉韓暹引軍追さ 東 後漢書董卓傳 | 梁在戰國為南 注獻帝徙都 引獻

自天子西遷朝廷 准侍中太史令玉 國志旁證一卷一卷一 後漢書董卓傳 以武平華夏东 將 際拾摭故瓦材木 陰溝水注云渦水又東逕武平縣故城北魏武王 姜宸英日前此無專官故稱太祖至此始改稱公 1為大將軍後始稱公葢天子三公稱公也 符瑞志 軍驃騎位次丞相車騎衞將軍皆金紫位次 月公征奉 清日 有太史令王昱豈卽其人 立 一即初平四年奏日 沙 引獻帝起居注云舊時宮殿悉壞倉卒 亂至是宗廟 一匠無法度之制所作並無足觀 1 社稷 1蝕無變為賈詡所劾者宋 、歟史通亦是王立 制度始立 封於此 卿 何焯 水

軍讓 是 歳用棗 殊依 太 楊 1 10 17 火山 行 禮 欽韓日 殿之 車騎 尉 太 %循恥其 八尉公卿 增高第縣屬 派韓 將軍 下後漢書寶憲傳云舊大將軍位在三公下置官 官官 (班在 浩等議始與屯 或 志 事百官總已以聽 脉屬 \ \ 茂才官屬倍于三公沿習己希旨奏憲位次太傅下三公上自後 將軍位在丞相 3 . . 四百石典農校尉秩比 司空行車 下也 云曹公置典農 一騎將軍 (頃畝但務修其功力故 後漢書獻帝紀云曹操自 在公下不肯受公乃固辭 田 下霍光奏廢昌邑王次于丞 一郎 一自後梁冀又 石晉書傅 人故 一典農

泔 所 枝 國志旁證| 周秦殲盡餓 後漢書 妖 紹之 餘 所中傷 郭 亦不能及若以為怪則建秦殲盡餓魂餒鬼不可勝 重生椹誠是 斛 長子昂弟子安民遇 九在河北軍人 五水田收至數上 而昂遇害 五行志云獻 公到宛張 武威祖厲 木異必在濟民安 帝典平 仰食 不可勝言此重椹大拯危 降 、驃騎 北魏書 武野穀旅生麻 间 將軍濟族子為流矢所中 梅之復 知非瑞平時蒼生死 公所乘馬名絕影 日昻不能騎進馬林 反公與戰軍敗為 復生椹 命雖連 盛復是古 可食臣 理

世語日 後漢書伏皇后紀云自帝都許守位而已宿衞兵侍莫非曹 餘 侯後樊安公均傳云奉叔父薊恭弘彬後不知二人 氏黨舊姻戚議郎趙彥當爲帝陳言時策曹操惡而殺之 入覲天子時始復此制公自此不復朝見 內外多見誅戮操後以事入見殿中帝不任其憤因日 王有傳太祖之弟無聞東平靈王褟傳云奉叔父朗陵 子没此與紀所載微有不同 父也 相輔則厚不爾幸垂恩相捨操失色俛仰求出舊儀 聞其不悅密有殺繡之意計漏繡掩襲太祖 舊制三公領兵入見皆交戟又頭而前初了 祖南征 軍消水鵝舉衆降太 趙 凊 祖納濟妻鏞 日昻字子修即曹 太祖軍敗

於三年 固た民意 趙 荀攸為軍師在建安三年以前無論矣後此郭嘉為司空軍 敢復朝請。領兵朝見令虎賁執刃挾之操出顧左右汗流浹背自 為前軍 一清日祭酒之稱周末有之 祭酒 年置軍師祭酒然考之諸臣傳中無全稱軍師祭酒者 無師字勸進牋董昭結街為軍師祭酒而昭傳云拜 本漢官見漢書鄧禹傳曹公以建安元年拜司空 月公還許初置軍師祭酒 ·師涼茂為左 非祭酒也至 則知嘉 **卷** 亦軍師祭酒也 軍 一師毛 孙 史記荀卿三 為右軍 又殷以荀攸為中軍師 粹號軍謀祭酒 師征 三為祭酒是也 孫權表華

分現 111 1 3 57 11 5 11 NEAS | V 矣 **公與荀彧書日賊來追吾雖日行數里吾策之到安衆破繡必** 二月公園張繡於穰 降而稱軍謀邪六朝時有軍諮祭酒葢即軍謀之易名 楨荀緯為軍謀掾並軍謀之屬官也想因軍師名位太尊故 ·經湍水注云湍水叉逕穰縣故城北叉東南逕魏武故城 經湍水注云涅水逕安衆縣竭而為陂謂之安衆港魏 邪東海北海為城陽利城昌慮郡 西南是建安三年曹公收張繡之所築也 張繡於是處與荀彧書日繡遏吾歸師逼我死地葢 間以為沿涉之艱阻也 I臧霸傳太祖禽呂布索得霸見而悅之使霸 兴. 1 耳

二個戊戌司 魏書日 使 敦 循懼. 方等以 庸 入懷快快各 公以他 法信 所陵陷 郡反殺太 過誅之 紹宿與故 如 利 可勝 有自為之心此 有 ふ 舫 城 郡 除則誰 未審 當 內懷離 局楊彪大 乎高祖赦 則 天 何時并省黃初六年利城 劍前年 此 霸 下土崩瓦解雄 魏 異深懷 長秋 危且夫起 初 時所置 下相疑之 尚有 琅 協之讐 梁紹 也 之 昌慮郡 敦 布衣 秋 业 而羣情以 府 利城 也 在 雖 並 孔 建 塵 融 垢 無 輔

固使楊故長史薛洪故武德縣北 以其衆屬主 魏城 袁 後 修 意 1111年後三日 潘 漢書 以维 眉 就 葢 乎 死才逾百日 謂 妒 [終當 表 幽 闸 字作樛李善注樛音 郡 往 紹屯射 嫉能 國 為 年 辭 為樛文選荀彧檄吳將校 志何內野王 誹 こ 洪河內太守 乃融見殺而彪幾濱於死修卒不免於 楊 而操亦卒使 犬 修前年誅孔融誅殺 融楊修 |有射犬 終尚 死者有知果 有 图 小見 萬守 聚 自將 之目 部曲 之 顧 無己也苦操之 旭 何以見袁ふ 兵北迎 禹 云薛洪樛 **「射火** 戮 對

注 二旦戊戌司 兵屯沛遣 之未東也陰與董承等謀 前 侯康日蜀志繫此事於董承 何 假 通 指 餘皆誤 焯 鑑考異謂蜀志誤關公傳亦敍先主康日蜀志繫此事於董承死後此則 使其謀朱溲必不先背曹操殺車冑恐當以先主傳 與此紀及袁紀合然竊意先主本與董承等密謀誅曹 胄 大抵多在何北漢南也評所謂 日釋显諶魏种 劉岱王忠擊之不克 鏠 大昭日此沛國劉岱亦字公山非劉繇兄也 反至下邳遂殺徐州刺史車胄 一、懐四方之 則在 嬌情任算不念舊惡 一殺車胄於建安五 承 死前袁紀 一於時宿 為

注習 五. 時公兵不滿萬注將記述者欲以少見奇 年公還軍官渡紹進保陽武 逕曹太祖壘北有高臺謂之官渡臺渡在中牟故世又謂之 水經渠水注云渠水又左逕陽武縣故城南東為官渡水 國志旁證一《一卷一一 為屯東西數十里公亦分營相學合戰不利紹進臨官渡起 中牟臺建安太祖營官渡袁紹保陽武紹連 何焯日上 整茵漢晉春秋日 山地道以逼壘公亦起高臺以捍之 **書經籍志魏氏春秋**二 **猶在山之東悉紹舊營遺基並存** | 固云分營與相當矣則此但指自將之親兵也然 志漢晉春秋四十七卷晉滎陽太守習鑿齒撰 一十卷孫盛撰 |即中牟臺也今臺 一營稍前依沙堆

破 汝 進 按此 此時 破 抑或別 何 瓊等 儀 軍討破之 事亦見蜀 劉 劉辟已授 涵 有 劉辟等叛應紹略許 沾 黃邵 一破辟 斬之 靈帝時瓊為左軍校 萬 劉辟也 斬碎邵等于禁傳亦云斬碎 辻法公意 何曼 屯 趙 五年何以復 主傳然前於建安元年書汝 清 等家 欲不 各數萬初應袁 殺 有汝南劉辟等 叉明旦鑒于鏡此盆 紹使劉 調無鼻也 備助辟 術 邵等盡 園 八校 其衆 不 尉 忘

七年公軍譙遂至浚儀治睢陽渠遣使以大年祀橋元 六年夏四月揚兵河上擊紹倉亭軍破之 無所歸矣乃使張郃高覽攻曹洪 二國土山等隆一一台二 嘗候于元元日天下將亂能安之者其在君乎操感知 按黃初六年亦有此舉水經睢水注云睢陽城北五六里便 地有倉帝陵及造書臺因以名按與紹相持處正在黎陽白 **수湮方與紀要又有倉亭在大名府南樂縣西二十五里其** 得漢太尉橋元墓家東有廟即曹氏孟德親酹處操本微 馬間當是南樂之倉亭也 沈欽韓日 魏志高覽此云高與葢有二名 潘眉日苛或檄吳將核部曲云張邻高與舉事立功李善注 統志倉亭津在曹州府范縣東古大河濟渡處

ここではコハルノ音の 能論者之言一 禮悖矣魏武或以權宜與之約言今云結婚未必便以此年成 按此言窺虎而晉書王獻之傳以避唐諱改爲窺豹令人遂 明君不官無功之臣不賞不戰之士治平尚德行有事賞 腹痛勿怨雖臨時戲言非至親篤好胡肯爲此辭哉悽愴致 約言祖沒之後路有經由不以斗酒隻雞相沃酹車過三 祭以申宿懷據此則非遣使矣 月耳譚雖出後其伯不爲紹服三年而於再期之內以行 知窺豹矣 元墓祭云操以頑質見納君子士死知己懷此無忘 到黎陽為子整與譚結婚住臣松之案紹死至此過周 似管窺虎歟 Ĵ

九年春正月濟河遏淇水入白溝り通糧道 月尚復攻譚畱蘇由審配守鄴 殿 時必矣操譚鳥得與之 豈 界建安九年魏武王于水口下大朸木以成堰遏淇水東 水經淇水注云淇水叉南歷枋堰舊淇水口東流逕黎陽 甚 游與由 潘眉日荀彧檄吳將校部曲云將軍蘇游反為內應李善注 「構以通漕運故時人謂其處爲枋頭 知此 本考證云明年九月明記女還然後進軍則其成禮 [將擊楷破之而還尙將沮鵠;守邯鄲又擊拔之 ; まり 名記 一禮魏武欲乘其亂而取豈復暇顧忌名教裴駮殊 同 121 論禮哉 姜宸英日譚尚兄弟為仇 此

注沮音菹河朔間今猶有此姓 三國志旁語 與楚戰築甬道贅旒字則引公羊傳先正字則引交侯之命 所 釋位字則引左傳致屆字則引詩級爰字率俾字昬作字則 書郡國志注獷平縣名屬漁陽甬道字則引漢書高祖二 引證故實故於此沮鵠特注沮音菹又如獷平字則引續漢 紀文達師日裴注初意似亦欲如應劭之注漢書考究訓詁 援東絕擊楷必自將者運道不通則堅城大衆有自潰之勢 何焯日破楷則高幹并州之援北斷拔邯鄲則袁熙幽 皆引書糾虔天刑字則引國語至蜀志郤正傳釋詢 句引古事為注至連數簡又如彭羕傳之革不訓老華佗傳 之旉本似專素宓傳之 係尤大也 卷一)棘革異亥少帝紀之叟更異字亦間 一篇句

保祁· 向懼故豫州刺史陰夔及陳琳乞降公不許爲圍益急佝夜遁 其姓 錢大昕曰佝懼下應有遺字按袁紹傳有 肵 山在彰德府城西晉書注安陽境有藍嵯山後漢書袁尚 亦間有之葢欲爲之而未竟又惜所巳成不欲剛棄故或詳 Щ 略或有或無亦頗為例不純然網羅繁富 不傳者尙一 THE STANFALL PROPERTY OF THE PARTY OF THE PA 盎 口葢藍山之口也或謂之祁山諸葛公謂曹操危於祁 辨證其他傳文句則不盡 日補救切魏志凉茂傳中忽引博物記注 即藍口之戰云 ż 見其厓略故考證之家取材不竭云 然然如蜀志廖立傳首忽 凡六朝舊籍 額組 Ź 総字之類 禹曰藍

鄴定公臨祀紹墓哭之流涕注孫盛云夫匿怨友人前哲 氏魏武遵謬於此舉豈非百慮之一 稅驂舊館義無虛涕苟道乘好絕 尚單騎遁走捐棄偽節銳鈇大將軍邡鄕侯印各一 旗震耀虎士雷譟望旗眩睛聞聲 萬儿千六百二十枚其矛楯弓戟不可勝數 討之今尚 私 武帝集 走 庚日劉項受命懷王豹為兄弟而紹與操少相友善同 恩哭之不以恩掩義亦不以義廢恩是古之道也何名 而紹义為盟主雖道乘好絕至於相傾然以公義討之以 人徒震蕩部曲喪守引兵遁亡陳軍披堅執銳 破袁尚上 卷 事 白臣前 何哭之有昔漢高失之於項 失也 喪氣投戈解甲翕然 言逆賊袁佝還 削 枚兜鍪 所 沮 恥

三一则与多 時巳隔兩朝可以據事直書其所值之時不同也 書獻帝紀 **九錫又二** 又十八年云天子使御史大夫郄慮持節策命公爲魏公 陳志作於范書前且百餘年不能無所囘護范書修於 下十三年云漢罷 則曰曹操自立為魏公加九錫 一不決公乃自執桴鼓士卒咸奮應時破陷 月攻譚破之 「鄴雖破而譚猶擾其東故必斬譚而後書冀州 則曰曹操自領冀州牧 年云天子進公虧為魏王書法並同而後 爸)斬譚誅其妻子冀州平 注魏書曰公攻 三公官置丞相御史大夫以公為 則日曹操自進號魏 則曰曹操自為丞

禁厚葬 日間にいると言 |整渠自呼池入派水名平虜渠又從泃河口整入潞河名泉 公園壺關三月拔之幹遂走荆州 馬 太平寰宇記卷四十五云潞州城漢壺關縣也上 物建安十年魏武帝以天下彫弊下令不得厚葬又禁立碑 曹公壘攻高幹所築 公之圍壺關起土 通海 書禮志云漢以後天下送死奢靡多作石室石獸碑銘等 舞 清日後漢書光武紀注 Ś 一山於西城內築界城以遮之叉縣東南· 呼沲河舊在饒陽南魏太祖 「黨記 車

المستند							
三國志旁證 卷 ———————————————————————————————————			河也	河海也道元雨引陳志俱有河海学	口魏太祖征蹋頓與泃口俱導世謂之新河陳壽魏志以通	通河海濡水注曰濡水自雍奴縣承鮑邱	邱水注引陳壽魏志曰曹太祖從洵
				與今書不同河即呼沲	之新河陳壽魏志以通	鮑邱水東出謂之鹽關	口鑿渠逕雍奴泉州以

三國志旁證卷一終						

.

三國志旁證| 卷二 **應平岡涉鮮卑庭東指柳城** 引軍出盧龍塞塞外道絕不通乃塹山堙谷五百餘里經白檀 趙一 國志旁證卷1 與諸將士 姜宸英日 而袁氏親屬盡矣乃始經營鄴都也 東至靑陘盧龍之險峻坂縈折故有九崢之名盧龍故城 引 二年春二 原 經濡水注云盧龍塞道自無終縣東出渡濡水向林 一清曰袁譚旣死尙熙遠遁尙有高幹倔强肘腋旣斬 別傳亦有此 1士大夫將士也見李廣傳 一月公自淳于還鄴 大夫共從戎事 稱 閩長樂梁章鉅撰 趙 清日邴原傳 蘭

僕 尚熙與蹋 抵 武 丸 月登 相 錢大昕日以烏丸鮮卑傳考之 故 屬 五 之其名能臣氏之者則代郡烏丸 及遼 斬蹋 城在營 近 漁陽郡以縣有 塌 里漢縣 頓及 狼 頓遼西單 西北 頓所築 水注引英雄記云操 山卒與虜遇 州南漢 為右 名王 平諸豪棄其種人與尚熙奔遼東 也 北平 以 ·于樓· 置 白 檀 縣屬遼 下胡漢降者二 顧 眾甚盛公登高望虜陣不整乃縱 班 郡治 山 祖 而 禹 後 西 北 名 石北 白檀 平單 廢 後漢廢平岡城在營 郡後漢廢俱在 戰斬蹋頓首擎馬 柳 平單 十餘萬 城 非右北平也氐與抵音 廢縣在 能 、廢縣即營 于乃烏 臣抵之 遼東單于 **今大甯衛東** 筝 州治也 延非能 州 南 漢 速 南 兵

漢罷三公官置丞相御史大夫夏六月以公爲丞相 國志旁登 € 6 1 進爲相國 梁釣臺竹木灌叢今池林絕滅畧無遺跡 水經洹水注云魏武元武故苑舊有元武池以肄舟楫有漁 還未至洛陽四十里雞犬皆無鳴 至 後漢書獻帝紀云曹操自為丞相又百官志注董卓自太尉 三年春正月公還鄴作元武池以肄舟師 左右咸驚王忽見一 一此獸便跳上 夫則罷三公官郗慮免不復補矣 殺傷甚眾王 抃舞叉博物志曰 而 司徒不省及建安末曹公為丞相郗慮為御 蓹 方月自 子頭即伏不敢起於是遂殺之得獅子 I魏武 **「率常從健見數百人擊之** 物從林中出如貍超上王車軛獅 、伐冒頓經白 吹 **狼山逢獅**)獅哮呼奮起

珍得 送 侯景 制 北 其 傳 帝 層 齊書 **叉**傳 方四寸 於 永和中濮陽太守戴 術璽致之漢朝 刻其 術 得之景敗侍中趙 圖 徐璆傅作字孟 狀 故 辛術傳云術移鎭廣陵 於 術 日璆字孟 上紐交盤龍其文日 旁 泥 懐帝敗沒於 以進 像中得 魏 所受漢 馬魏書太 平廣陵 王 思賢 型一 僧施得 玉疑此 劉 其 聰 國 武 〈文皆 璽投 之 聰 平字誤 受 獲 紀 璽 送於 敗沒 命 傅 太 景 于 國 平眞君 於石 南 建 受命于 天 璽 漢形宏宋 、旣壽 兖 迭 濼 七 氏 剌 石 永 史 氏 璽 鄴 敗 城 郭 漢 梁 晉 建

1111年 112日天衛山 叉 鵠乃益爲版而飮之酒候其醉而竊其札 好書世多能者而師宜官為最甚矜其能每書輒削焚其札 南陽 鵠卒以攻書至選部尚書 王海 將今鉅鹿 衛 為最書 之三徵不至大怒制檻車送之於道化為大鳥飛去 唐張懷瓘書斷云八分書秦羽人上谷王次仲所作始皇召 潘眉日 後漢書百官志注引蔡質漢儀日 恒四體書勢序日上谷王次仲善隸書始為楷法至靈 人靈帝徵天下工書於鴻都門至數百人八 如鵰 到表傳鄧義即此 有耿球碑其書甚工云是宜官也 下有而字 羽未息 *** 翩翩自逝晉書衛恒傳宜官後為袁 兩 札字並作析 人義字當作羲 [吏曹尙書典選 林暢 、分稱宜 園師 師宜官 帝

公自江陵征備至巴邛叉公至赤壁與備戰不利於是大疫吏 二回元氏司一 使在秘書以勤書自効 🤻 鵠字孟黃安定人 部為吏部主選部事 澤中遇 與權 **書斷並作皇葢古字通** 何焯曰書苑菁華勤作勒宋本黃作皇 |職官志靈帝以侍中梁鵠爲選部尚書於此始見魏改 平御覽卷十五引英雄記日曹公赤壁之役行至雲夢 ,死者乃引軍還 昔周瑜與黄葢詐魏武大軍處所也按水經注云左逕者 日赤壁之役值有疾疫孤燒船自退橫使周瑜虛得此 鄭蘇年師日水經注江水左逕百人山南右逕赤壁 大霧迷失道路叉江表傳云局瑜破魏軍曹公復書 名一 趙 清日水經

諸侯兵五 秦惟王翦 遼 而不知兵至三十萬難用矣前以六 是今沔陽 利引次汇 **踼漢川黃** 一十萬 和 し
財
が 郡 其衆愈多其敗愈毒然猶有可諉者日將 遇 縣志 未有得志者趙 州地失之遠矣 壽張符堅以八十萬敗於 十六萬敗彭 項籍 (州嘉魚江夏也當 北 則赤 以赤壁與烏林相對 壁則赤壁當 人而多多盆 南岸 壁當在江南 ~城以! 括以四十五萬敗 也 在樊卩 唐庚日世之爲將者務多其兵 以嘉魚之 一十萬 一善者獨韓信能之 輿紀要云 今江漢間言赤壁者有 之 則誤以古蒲 一萬勝楚以 E 又赤 赤壁當曹軍之事 於長平 劉 壁 初戦操軍 不善若 磯山為赤 其餘 十萬敗 恢 四十萬勝 初 引 兵至 曹

逐有荆州江南諸郡 **崴戰艦相接故為敵人所燒** 國志旁證 哉其敗也宜矣 多為累之明驗也 六十萬當得如漢高祖者六人乃能將之漢高祖豈易得者 可 陵武陵以西為蜀江夏桂陽長沙爲吳南陽襄陽南鄉為魏及敗於赤壁南郡以南屬吳後遂與蜀分荆州於是南郡零 按晉書地理志云建安十 謂善將矣復以水軍 北立襄陽分南陽西界立南鄉郡分枝江以 名南北雙立又水經淯水注云又南逕宛城東 以漢高祖之才不過能將十萬眾則水 三年魏武盡得荆 大眾屯聚故疫死者幾半 一益即荆州已隱然鼎足之勢矣 州之 而敗 西立臨江 於鳥 地分南 林 郡郡

注 注 《弟過於三世矣》前朝恩封三子為侯固辭不受今更欲受 非欲復以爲榮欲以爲外援爲萬安計 何焯日 哉盛哉雖孝武盛唐之狩舳艫干里殆不過也 臣下不以稱子之字為嫌觀陳思王傳注中屢稱子建 孤祖父以至孤身皆當親重之任可謂見信者矣以及子植 四年春三月軍至譙作輕舟治水軍秋七月自渦入淮 魏文帝浮准賦序云建安十四年王 軍合肥 (舟萬艘時子從行始入淮口行泊) 陽公載記 ·經籍志山陽公載記十卷樂資 子植文類作子桓植字乃桓字之誤 東山観師徒觀旌帆赫 師 自譙東征大與水 邵 則 軍

傾危是以不得慕虛名而處實禍 也何者誠恐已離兵為人所禍也旣為子孫計又已敗則國家 又 三國志房證 欲孤便爾委捐所典兵眾以還執事歸就武平侯國實不 恩封三子爲侯也植字不誤曹丕於十五年未受朝職至 之次序不考受爵之先後皆似是而實非也 六年始爲五官中郎將張何二家改子植爲子桓但據兄 軌非必欲邀福正欲免禍 **愼行讀史漫錄云** 奸雄不能 然考是時方 此皆其肝 大抵人臣 (溥漢魏名家文集已作子桓 、封曹植曹據曹豹爲侯所謂前朝 耳 之勢至於不能 膈至語吐露 黃恩彤日方操夷袁紹 自返則必為 下無所 此

三一到上小与登二 萬五干封三子植為平原侯據為范陽侯豹為饒陽侯 天子命公世子丕為五官中郞將 六年春正月 注魏書日庚辰天子報減 趙 即林之 饒屬涿 後漢書百官志云五官中即將一 潘眉日武二十五子無名豹者此所封饒陽沛穆王林也豹 於是豪奪之計 掎 角並起鼎足勢成始知大物不能驟致利器又不可假 來未嘗經此大衄而孫權旣雄據江東劉備復奄有 清日魏晉更無其官殆以曹丕始居之故廢耳 初名 24111 銳付之 後漢書郡國志涿郡范陽安平國饒陽故 變而為巧偷矣 炬免脫 人比二 魚爛僅 戶五千分所讓 一千石主五官即 身免益自 荆楚 師

遣信求割河以西請 笑日今日幾爲小賊所困乎 三厘元 月馬超遂 明監 皆作堪則作李璊者誤也今 其車重其 **諸將見軍敗不知公所在皆惶懼至見乃悲喜或流涕公士** 沈 錢大昭日信謂使者 欽韓日幾爲小賊所困乃光武之語操引之以自解耳 本李堪作李璊然後云斬成宜李堪等又馬超張會 ラデュ 一地又多沙不可築壘婁子伯說公日今天寒可起 領土 與韓遂楊 幣司馬相如諭巴蜀檄故遣信使曉諭百姓 曹瞞傳日時公軍每渡渭輒為超騎所衝 オー 和 也史記韓世家陳軫說楚王發信臣多 秋李堪成宜等叛 殿本已改正

·鉅鹿之癭陶曲周南和廣平之任城趙之襄國邯鄲易陽以 || 國志旁證|| || 卷二-----下術一 據劉昭注續漢志引此文作廣平之廣平任城似當時已有 錢大昕日光武并廣平國入鉅鹿郡此後未見復制疑廣平 廣平晉志亦云廣平郡魏置則劉注廣平之三字明是衍文 廣平郡然獻帝起居注建安十八年冀州部三十二郡不數 不足據以為證閩本後漢書無此三字也 語意較暢此節文耳 七年割河內之蕩陰朝歌林慮東郡之衛國頓耶東武陽發 一之字任城屬兖州不當以益魏郡葢亦衍一城字或 曙百堵皆立雖金湯之固未能過也二 цĺ 夜而成五字太平御覽引作須臾水堅如 按婁圭字子伯見崔瑗傅 一十四字

此凝首稱向書令彧 治兵遂征孫權 為建安十七年征權 公征孫權 及裴 (堪日陳孔璋檄吳 傳建安十七年太 月事也西 夷按魏志武帝紀遣 征 .皆未之載也 孔璋 又云軍入散關則羣氏率服 九年秋 檄 平金城諸 時無疑 云年月 告江東諸將校 將 將 按 校 魏志武帝紀建安十七 部 權彧 朔 夏侯 也然檄 i 曲文 曲文 將斬送韓約首則建安二十 征孫權又二十一 僅 疾留壽春薨時年五 而不明指 部曲 篇當即此 見於昭明文 所云 斬 則是 加 建 何年按魏志荀 偏師 荀彧尚 則建安十 年冬十1 (選中 年冬十 所 國

TO STANKE WAS 泉來朝待以客禮遂留魏則建安二十 漢陽尹奉討馬超梟其妻子則建安十九年春正月事也 事也又云超之妻孥焚首金城按魏志武帝紀云南安趙 將其餘眾降則建安二十年十 賓邑侯杜濩各率種落以奉王職按魏志武帝紀巴七姓夷 武帝紀魯潰奔巴中亦建安二十年秋七月事也魯自 事也又云張魯逋竄走入巴中懷恩悔過委質還降按魏志 **亦建安二十年五月事也公至陽平則建安二十年秋七 云使征西將軍夏侯淵等按魏志夏侯淵傳建安十七年** 一朴胡賓邑侯杜護舉巴夷賓民來附則建安二十年九 按魏志武帝紀公出散關氐王實茂恃險不服公攻屠之 (匈奴南單于呼廚完按魏志武帝紀匈奴南單于呼廚 月事也又云巴夷王 一年秋 一朴胡 匣

一國

走

実

影 誤然李善所見本已是彧字故注 必誤也豈 荀彧之薨 建安一 按吳志孫權傳權 事也又云合肥遺守不滿五千權親 番橡文何以詳載之若云是建安二 行護軍將軍屯長安 於措辭者竟以為在建安十 **乳璋** 已五年檄首不應仍稱尚書令彧也竊恐彧字 年事也凡此皆 / 发 此檄是齊梁文士所擬作而昭明遂取 征合肥未下徹軍還 檄乗勢恐喝耳 至於拜征 在建安十七年荀彧旣薨之 鋒也 引魏志荀彧傳以證之 |年下荆州時益陋不足 一數萬之眾破敗奔走 軍則建安二十 為魏將張遼所襲則 年征吳之機則 當敗軍之後 評阮 元瑜為 後 距

対は与然ら 衛 爲 扶 鉅 趙 益 將 國 風 州 魏 頓 西 、於冀州 平甘陵平 郡 保 河 後漢書建安 則冀州 并及 畿 心 图 東 年又 關中 2211 1 地 所 雍 八以冀 莜 地 制 司 復 也 諸 所 易圖 隸 者廣或日 州 ·癭陶曲 州之 觀於是年之 郡國皆已削 奪者眾關右諸 按荀彧傅建 [也操] 年 州 復 河 万寢 岩是則 周南 河 州 前已 平操自 安 允 公可見 南 /州議 運州 將必 魏 郡 割 雍 獻 為張 三是 復 蕩 謂 ·或說 趙 襄 當 州 陰 以次見奪 得 國 國 朝 中 那 本欲盡 乃重復 河 秋 東馬 謂 林 虛 翃

天于使御史大夫郗慮持節策命公為魏公 青荆揚盆凉并幽而以交州終焉合得· 地理志 兖州之訛歟葢十四州當數雍州建安中分涼州置 後漢書荀彧傅云建安十七年董昭等欲共進 公室而奪之權曹操諷漢復九州合禹貢矣其志乃欲廣 爲參錯且兖州亦未嘗省也十三州之中獨不及交豈 而益其地凡姦人之 唐庚日三桓誳脅作三軍合周禮矣其志乃欲 趙 一信亦不可以皆疑要在平察之而已 一欲濟其邪謀者類能引經術而稱古 子愛人以德不宜 國志 如此 操爵公九錫 卽

こうないながれる 棱威南邁 羣臣釋位《延及平民君又翦之》、遂遷許都造我京畿 分裂諸夏率土之民叉即我高祖之命叉其孰能恤朕 遷於唐衛 哀紹逆亂天常 叉運其神策 翦除其迹遷作建我作其 水也 趙 文選邁作 文選臣作后釋作失及作于民作人君又翦之作君又討之 文選上八字作連帶城邑一人尺十 九錫蓋採之 一清日此衛即康成書注分衛為并州之衛指常山之 又迥戈東征 叉乗轅將返 厲征作指轅作軒殂作沮 し觊觎 ×: -八矣蕭常續後漢 叉遂定邊境叉重之以明德軒殂作沮服作伏 張揚殂 一無我字能字 書操自為之 斃 叉張繡秸服 躬 一衛

民無懷慝又表 封君為魏公 功高于伊周| 三国ボラ記 其以丞相領冀州牧 符第 文選 文選兩于字皆作乎鉅鹿二字在常山高于伊周而貨卑于齊晉 叉常山鉅鹿 文選無懷作 文選如故下有今更下傳 選無亂 平侯印綬仝二十三字 云五月丙申天 魏公下有使 至第五 繼絕 不回 五竹使符 卷一 一字其作諸境 世 (如故) |子使 双錫 御史 接錫 第一 節 又加君九 齊 **墾肅將朕命以允華夏其上** 御史大 太公履叉世祚太師 作賜祚作 至第十凡三十 按九錫之數莫先於公羊說 城重 《郗慮持節云云而刪也 天處授 錫 下無之字 服 字蓋 因其前

注 穯 朱 人昏作又 文選稿 後漢尚書左丞潘朂之辭也朂字元 公羊緯禮緯之 國志旁證||《卷二] 當時便 | 納陛大 、庁後 服 遠 朱戶七弓矢八鉄鉞爲異而王莽九錫次序更 代並依之 陛六虎賁 **晋民革作回於作乎往** 朱 革 外以臆為 公册命 算公作 面叉威於朕思叉往欽哉 韓詩外傳所言九錫則三虎賁 鉄鉞 粢 之 所作 謂訓誥同風 和 陛 者耳 鬯此 及晉王為 弓矢九 則 茂 上有君字 陳畱中牟 仲 **和鬯葢用禮緯** 車 一衣服 樂則 泛後 回 會

叉前後三 秋七月始建魏社稷宗廟 **大子娉公三女為貴人少者待年於國** 鄧 易 宋書禮志云自以諸侯禮立五廟也後雖進 何焯日王字衎交凌謝當為陵樹荀攸本傳冀州平太祖 侯康日注言 按三女一名憲一名節一 將軍捐棄故技更受要道者即其人也 為陵樹亭侯也 中軍師王凌謝亭侯荀攸及奮威日注言三讓而魏武帝集僅載一 一讓 始信為元茂作 潘眉日劉展當依典論作鄧展所謂願、謝當為陵樹荀攸本傳冀州平太祖表 將 軍樂鄉侯

九月作金虎臺 省安東永陽郡 鑿渠引漳水入白溝以通河 11月1下与京西 | 八八八八 潘眉 虎臺去 渠漳津 水注云魏太祖鑿渠引漳水東入 所 經洹水注 至第十公以是年受九錫金虎臺之 ·凡受九錫者必有金虎符第一 銅雀臺六十步 甘心明矣 小舊 云洹水又東週 曹也然陳思王集有敍愁賦序日 |斷溪東北出涓流濗注||而已 人家毋見二弟愁思故令于作賦則非 入黄縣北 東 至第五左 通 入于白溝 河漕 1時家二 竹使符第 叉 濁

更事多耳 安定太守母 中陵 趙 按此 初 趙 殿本考證云安陽下疑脫亭字 平凹年分漢陽 邪立 從 凊 與前注引魏書非有 果教羌使自 勿 日漢 便為失異俗意從之 遣 人往善人難得必將教羗胡妄有所請求因欲 邱與將之官公戒之 和置 魏之際別 中 請 水注洧水又東入汶倉城內俗以是水 郡 何時後 為屬國 無安 為永陽以 (漢書 農安陽侯王 則無益事與至遣校尉范 東 都尉公日預 日差胡欲興中 郡疑是東安之 兩 鄉亭為屬 那國志注引獻帝起居 也 但多智 (知當 邑 縣 『訛東安郡 爾非聖 國 耳語氣 通 自當遣 陵 也 同

后廢 寸 漢書 服 肵 引徐廣 汝 《黜死兄 常服遠游冠制 赤綬四采 皇后紀伏皇后父完建安元年拜住中完字行完死在十四年疑當 住 中 完 字 使 也 正監頂少邪却乃直下為鐵卷梁前有山 水故有汶 魏 百官公卿表云諸侯 日太子及 公位在諸 四年卒子典嗣是也今本完作兄弟 行完死在· 赤黃 1K11 標維淳 舒王 如通 候王 金 天有展節横之於前無山 政授 可龜 赤圭 王 年疑 金 長二 紐總朱綬 金璽赤紋遠游 璽 水之邸閣 丈一 輔 後漢書輿服 國將軍 典典完之 耳 展销為述乗 云通天冠高 三百首

天子命公置旄頭 二國志旁證|| 也 寰 漢書郡國志武都郡故道注引搜神記云有怒特祠秦置 氏并姊妹四 國有奇怪觸山截水無不崩潰唯畏 頭騎起此宋書禮志晉武常問侍臣旄頭何義彭推 於此徐爰日 後漢書皇后紀云獻穆曹皇后諱節魏公曹操之中女也建 ·年春正月天子立公中女為皇后 張華日有是言而事不經臣謂壯士之怒髮踊衝冠義 宇記卷七 | 旄頭故使執之者冠皮毛之冠也 街故車駕以舉罕前引畢方昴員因其象星經 「彭張之說各言意義無所承據案天文畢昴」 云五女冢在許昌縣南一 绝 八葬於此 十里曹操弑皇后 秦制

公軍入 三型山野经 祭二 省雲中定襄五原朔方郡郡置 漢中郡 年魏氏既立以后為山陽公 抵 雲中雁門之間遂空曹公集荒郡之人立縣屬新興郡 太平寰宇記卷四十九云漢末大亂匈奴侵邊 **深璽綬后怒** 並 軒下因涕泣橫流 拜為貴人 、南鄭盡得魯府庫珍寶巴漢皆降復漢甯郡爲漢 張魯據漢中改漢中郡爲漢甯郡至是降魯乃復 劉昭引袁山松漢書云建安二十年復置漢宵 而云復置者多一 不與如此 日天不祚爾左右皆莫能仰視在位 被弑 數輩后乃呼使者入親數讓之 復字也章懷注劉馬傅亦引袁 明年立節爲皇后魏受 縣領其民合以為新與郡 日日 定襄以 禪遣 中 西

尉 錫 錫 潘 降躭 柲 都 詹考異云· 庸 是也 眉 中之 漢 庸 庸 書云建 己ノ三戸 安陽 中躭 皆漢 庸 縣 何 至 西 庸置 本非郡 中屬 都尉 使指 一衆降是 城 云分錫 安末劉 **才**一 爲 都 縣 尉 魏 西 凡 年 而 此時 置 武 而蜀志劉封 庸 郑置: 孟 曹公使領 |庸亦置 都 分 安陽 尉者 亦 會 未 都 皆名 西城 太守也 尉郡字衍 守分錫 那故不忘 間 庸 傳封與孟 字知 一縣 部 眉 故 是 蜀 庸 都 如某 置 應 文蓋 太守申躭 Ľ 達 有郡字 劉 此 西 昭 會上 郡 城 庸 某 引 都 略 庸 錢 部 都 城

歳 郡 舊 鄉 之 始 庸 作分錫 顯末也當 公甘 曹公始 亦漢 こうこうを 引巴 扊 錫 虚。 明帝 郡之 房陵 於蜀其明年孟達背蜀降 得 四年 漢志建安十 所 上庸為某部置 **太守必建安**二 安富 漢中分其地 建安二 降 郡矣紀云 分而紀不 分新 魏 和二 ヘス・・・・ 上庸 年 一十年 城 帝 及 郡復置 為上 年 立 則錫 者 立 都 非曹 西城 尉 別屬 庸郡 四年 房陵 四 今本 都 年 庸 魏 蜀 新城 庸俱 至 叉 公所置也攷續 交 訛 省 一庸二 庸 是 先 郡 而 是 閼 此 叉 景 證 郡 西 一郡共時 立 魏 縣 取 以 房陵即 耳 城 初元年 朝 漢中 一蜀志 旋 不當 <u>:</u> 新城郡 錢 一庸郡 有郡 廢 分魏 劉封 新 漢 大昕 尚有房 而 志 至 西 城 房陵 高 典 廢 所 城

进 錢 一國志旁證 月巴七姓 屯 林暢園 了矣 行漢魏春秋 涧 郡 夕襲七 朴胡杜濩尋為蜀先 為新城郡 自 郡以胡爲巴東太守濩爲巴西太守 河則此 是漢中入蜀而新城魏與入 巴東巴西二 志漢魏春秋九卷孔舒元撰即衍也又孔衍有 卷 (漢書) 以達 杜字誤 朴胡賓邑侯 日 租 為太守治 賦 西南 那 业 夷傳板 乃劉璋所分久 所殺曹公不能有其地 杜獲舉巴 按華陽 一庸 楯 國志亦 **蠻夷渠帥** |夷賓| 魏 伸儀 属盆 郡 民 云除羅朴督鄂 來 州但 羅 之地分屬 附 센 遀 假

こうりかいかられたい 刄 六大 關 錢 誰行生 聖侯 月始 侯內 臣五 盺 皆 日黄 松之 皆 級 置 名號 名號 印紫 神 銅 行然 初 EII 明 が候也 按關内侯医切元年以漢諸侯王母以為今之虚封葢自此口環鈕亦墨綬皆不会 侯也 鄴 粲 綬 侯宋 肵 置 書 內外侯 食で 係舊 此 崇德 有關 始 租 級 爵 與 從外非侯軍侯新二 銅 FIJ 也 侯 關內侯 鈕 墨 綬 侯

二回龙秀哥 注 进 又梁鵠以公為北部 幸長水南 非竊慕負鼎翁願厲朽鈍姿世期 苗實已揮不能效 庶姓之 水 郡 後漢書百官志注引漢官日洛陽孝廉左右二尉葢時 亦 朝 經渭水注云長安城十二 王仲宣從軍詩凡 國志所謂長門亭也史記日灞滻長水也 清日當重一 「鼎路門史記音義文帝出安門注云在霸陵有故亭即 日暮薄言歸 與親 門 叉將何以答神祇慰萬民哉 親字 沮溺 外參時明政 尉 相隨 何焯日萬民宋本作萬方 門 把 此 篇 鋤犂熟覽夫子詩信 出東 尚有 但割取前半篇 **下廢家** 頭第二門本名安 私禽獸 一句云 **脚為镊 知**奶 晝

遂 一日日 コルラアを記し 匈奴南單于呼廚泉將其名王來朝待以客禮遂畱魏使 一去卑監其國 氾及車駕還洛陽又從遷許然後歸國二十 歸右賢王去卑與白波 兄 後漢書南匈奴傳云單于於扶 以為求為令非也求為令見十 十二年春正月王軍居巣 操因 被逐不得歸 為耶 權 雷於鄴 有阮瑀為曹公與孫權書 1211 而遣去卑歸監 國數 為鮮卑所鈔建安元年獻 賊 帥韓暹等侍衛天 廉為議 羅立 年注 篇 七年 焉 當作 事也 子拒擊李傕 年單于來 呼廚泉立 自長安

權 夏 三國 於此 按文 禹 副 漢 北英語 羽毛 車 諸葛武 巢湖在 書 御史 選有陳 前 四 郡 口築 國 載 、繁幢 驅 云後漢 命王設天 年 志 琳 之 有九斿 最後 作守遂 州 爲 所 魏武 祠 謂 雪里 金 八年 子 郊 旌 與 遁 越 車 鉦 吳 文之 黄绒黄 旗 懸 軒彎旂車皆 將 在 權退 駕 建 稱 部 成 豹尾以前比 安 九年并此 祠 者 宗廟 警蹕 曲 走 曹 也 車 檄 操數與孫 乘 爲 篇 趙 衈 載 駕 四 後 小駕 此事 湖 續旂 氏 减 也 爭 顧 衡 直

漢太醫令士 三國志旁證一《卷二 備遣張飛馬超吳蘭等屯下辨 駕出 水經漾水注云武街城南故下辨縣冶也卽今陝西成縣 龍象天明也劉昭注引鄭衆日太常九旗之畫日月者 驚戒也蹕者止行也今從 後漢書與服志云天子建太常十有二 [七尺為仞天子之旗高六丈三尺也 叉武車綏旌垂舒之 乘其下五旗纒 清日後漢書耿 則應稱警入則應稱蹕也而今俱唱之史臣以 正車騎 少府耿 帥禮 **秉傅作吉平注或作平則本字誤** 心漢儀 紀司馬韋晃等反 謂護駕也 |乘輿而出者並警戒以備 記德車結旌不盡飾也戎車乃散 出稱警入稱蹕說者云車 五旗者五色各 八為警 旗 耿

叉或曰必欲投禕 油 **曅謀** 說傅疑作或日為是 殿本考證云或日諸本皆誤作王日以上下文考之當是兩 日間宋本作 **隋書經籍志三輔決錄七卷漢太僕趙岐撰藝虞注** 三輔決錄注 傳但云代郡 **氐卽能臣氐之譌** 就起兵誅 城王彰傳止有代郡烏凡反與此異 紀以操將篡 一谷鳥花 日叉因以聞之 操 間 不言上谷此葢衍上谷二字 不克夷 無臣氏等叛 漢與太醫令吉平丞相司直韋况 三族 錢大昕日 錢 大昭日鳥 1無臣 何

土自長安出斜谷軍遮 一國志旁證 卷二 何焯日陸 至陽平備因險固守夏五月引軍調以軍遮其要害處或云是地名 地理志謂斜水褒水出衙領山也 後漢書郡 災詠歸塗以反旆登崤澠而朅來次洛汭而大 在長安西南南口褒北口斜長百七十里其水南流漢書 焯日褒當作衮從三少帝紀 昭於曩載將稅駕乎此年憤西夏以鞠旅泝秦川焯日陸機弔魏武文云當建安之三八實大命之 機弔魏武文云當建安之三八實大 國志右扶風武 臨渭濱而有疑冀翼日之 要以臨漢 五月引軍還長安 胡三 三云廖 一省通鑑注云遮要 八漸指六軍 一辆四旬而 賦注云褒

何又云魏武以然金珥珠玉銅鐵之物一不作, 書禮志未得遵古七, 一个 句叉云魏武以送終制。宋書禮志未得遵古也 還 有司各率 所 埏 车 乃職 不遑 古 也 **飲以時服無藏金** 一葬畢皆除 頓 一崩於洛 死 史 服 <u>成其將兵屯戍者</u> · 問識其上春秋 官臨殿中者士 怒犬過 玉珍寶 M 病 機 埏乃為石室藏 **弔文載遺令** 文帝遵 襄樊急狼 效也注 舉 奉 離 無 电 狽

注 魏武 恐後 按 妾皆無之裴松之注亦不載豈所見有別本邪 剖出今魏志所載遺合寥寥數語其分香賣履處置家 代事是實 云 令 曹 軍用 帝西陵 至分香賣履家人 卯葬高陵 、發其家乃設疑家七十二 [規西門 《家在彰德府講武城外凡七十二處森然彌望高 (以天下遺子孫而身享漢臣之 師大較依孫吳之法又自 破 在鄴縣 5K1 1 1 豹祠 至磁 曹操身後事孰有大 西三 西原上 /婢妾 而 |為壽陵是也 里楊萸山陵雜記云曹操没 無不處置詳盡而無 在漳河之上 1作兵書士 於於 禪 名操心直為 元和 丁餘萬 遺 那縣志 明 一語 統 溫

叉 又 袁 又習 殿 沈 見後漢書崔駰傳 武 而 陳畱邊讓言議頗侵太祖太 **初袁忠為沛相嘗** 小性 能啖冶葛至一 欽韓 紹崔豹之徒 本考證云豹當作鈞朱書禮志可据鈞與袁紹起兵山 冷味甘冶萬有大毒以蕹 籍 野萬至一 志孫吳兵法二卷魏武帝撰又魏武帝兵法 死邪遂殺之 欲以 一尺 尺云先食此菜 盡族之桓邵得出首拜謝於庭中 **稻含南方草木狀** 八祖殺讓 加 沛 汁滴其苗即菱死世 族其家忠邵俱避難交 國 桓 邵亦輕之及在 云蕹葉 卯

又 相持 有幸姬常從晝寢至其酷虐變詐皆此類也相付文理較勝 常出軍行經麥中令士卒無敗麥犯者死騎士皆下馬付麥 所 浮海南投交阯獻帝 恨 按 肵 見殺按桓交林者桓煜之字後漢書桓煜傳客交阯 殺或范書略之也 麥以相持五字太平御覽卷八百三十八引作持麥 誣遂死於合浦 世當從曹 無親若楊德祖之徒多見賊害孔文舉桓文林等以 **瞞傳為正袁忠事附見後漢書袁閎傳但** 獄不云死於曹操也 都許徵為衞尉未到卒亦不言為曹 引張輔名士 一疑張輔誤以 爲

皙 間 堪 大 輒 於 武 之 汲 叫 時 抽 有 軍皆 偷 刃劫新婦 譎 園中夜 見 百 渴 在此 75 注 與紹 時俱 紹 叫 武 前 呼日 遑 引 /時嘗 迫自 有 還出失道墜 教 及前 有 大梅林 他 與麦 時果 懷 偷 源 擲 見賊靑蘆 出 或 (饒子甘) 遂 尙 有 7魏武 枳 欲 俱免 為 棘 我 殺 酸 一人 中 游 側 則 聲 俠 紹 我 可 叉 世 愛 觀 人欲 之 不能 皆 云 魏 解 出 便 得動 武行 觀 危 渴 魏 為 則

||三列155号登|||《卷二 武帝文云魏武帝遺令又曰吾婕好伎人皆者銅虧臺於臺 咋其舌流血以失言誠後世又曹操別傳云操引兵入境 愼此後 伎汝等時時登 梁孝王塚破棺取金寶數萬斤天子聞之立泣 記云操與劉備密言備泄於袁紹紹知操有圖國 右無敢近者又云袁紹年少時曾遣人夜以劍擲魏武 不著魏武揆之其後來必高 而智勇年十歲嘗浴於譙水有蛟逼之自 人諸舍中無所 施 所幸一 、牀總帳朝晡上脯精之屬月朝十五 眠中不可妄近近便斫人亦不自覺左右宜 銅爵臺望吾 為學作履 人竊以被覆之因被斫殺自爾每眠左 組賣也又劉昭幼童傳云太 西陵墓田又日餘香可分與 因帖臥牀 劍來果高又英 水奮擊蛟乃 E 又陸機弔 乏意操 郵向帳

	i i		
三國志旁證卷二終			日吾為蛟所擊而未懼斯畏蛇而恐邪衆問退於是浴畢而還弗之言也後有人見大蛇
			而恐邪衆問乃知咸驚異焉為有人見大蛇奔退太祖笑之